

四庫全書

集部

欽定四庫全書

篁墩文集卷七十八

明程敏政撰

詩

趨闕承恩圖為錦衣魯百戶題

新從飛將破臯蘭
喜拜金吾近侍官
白馬遡風過御苑
錦衣流彩動長安
三秋絕塞烟塵淨
一日中天雨露寬
撫景為君期遠大
舊圖麟閣炳如丹

起亭圖為顧謙作

芸香吹滿讀書亭不為時名因一經亭下種松今幾載
長梢將見拂雲青

郊壇陪祀夜宿神樂觀聞都尉草庭受命留守
承天門賦此奉寄

聖主南郊奉大禋宮門留鑰付親臣龍池漏點沿城報
虎衛軍容夾路陳令肅自應閑將畧才高誰足重儒紳
齋居一宿停雲意坐對東風月向晨

題吳原博諭德醫俗亭

我家篁墩上絕類箕箒谷長憐此君淨不解砭予俗吳
君結亭子瀟洒延衆綠清吟答天籟塵鞅謝煩逐分明
食肉相兼此林下福齋居開墨本已覺幽韻足君才何
可當風采如植玉擬試國醫手坐遣元氣復江南渺煙
雨因之動遐矚汗青我終慙筍譜或能續

並蒂蓮和青谿學士韻四首

當時仙種出吳宮羅綺香生水殿風何似一尊文會樂
坐令千古俗緣空不須紈扇遮紅頰擬剪緋羅掛碧筒

勝賞此回應第一幾家殘綠漫叢叢

疑是雙娥下渚宮凌波微動一簾風霞翻疊穀湘裙重
月射連珠漢佩空樂隊臨池催羯鼓酒籌當席轉牙筒
奇觀欲藉丹青手貌取東軒錦繡叢

秋浦新聲欲換宮採菱歌徹藕花風小池漫擬江南樂
絕品能令冀北空娛賞酒憑螺當爵催妝詩遣鶴輸筒
主人蓮社真開約車馬屯門定幾叢

彷彿移根自蕊宮正宜吟賞對西風却憐多病身難出

未覺諸君酒易空詩愧才情翻蜀綺瘦餘肌骨等湘筒
明年倘帶看花福自挈壺觴坐統叢

壽山陽沈廷獻處士八十

豆醅香裏洞仙謳春滿配容雪滿頭淮上幾人同擊壤
海東今日又添籌家鄰節孝瞻徐子世業文章重隱侯
漫道慶源開八袞大椿曾擬八千秋

小飲于喬諭德家與曰川聯句

退直思乘半日閒

程

偶因高會誤躋攀

傳

蘇家斗酒真

需客

謝

謝氏諸郎更解顏

程

一醉隔宵非有約

傳

十年

鳴玉幸聯班

謝

相逢莫便騰歸騎

程

此意更深且未慳

傳

西城邂逅一尊同

傳

主客相忘有古風

程

春滿戶庭宮

柳近

謝

風清苑路市塵空

傳

醉呼席上燒紅燭

程

坐待

牆頭過碧筒

謝

為語詩奚莫相笑

傳

漏聲初殺禁垣東

程

候客兒童預掃門

謝

登堂忽已具盤飧

傳

一時談笑風

生塵

程

竟日淹留月到軒

謝

行止百年真有數

傳

醉醒

吾輩可無論

程

海天回首輕陰散

謝

猶有高情在掖垣

傳

寄襄城侯李公

綺席紛紛集玳簪
中秋華旦喜重臨
朱顏早帶封侯骨
素履長懸體國心
閭外舊勞書太史
郢中新曲奏佳音
相期不用金丹訣
仙李根培雨露深

以雲裏帝城雙鳳闕
雨中春樹萬人家
為韻集

古十四絕為戶部白玢郎中題畫

落花飛絮正紛紛

鄭谷

半入江風半入雲

杜子美

最是一

年春好處

韓退之

碧山如畫又逢君

楊巨源

清溪一道穿桃李

王維

汀畔數鷗閒不起

蘇廣文

日暮汀

洲一望時

寇平仲

城外青山如屋裏

王維

臨穎美人在白帝

杜子美

日暮千峯轉迢遞

李郢

淡妝濃

抹總相宜

蘇子瞻

彩毫應染爐烟細

楊巨源

偶逢樵者問山名

李端

天外三峯削不成

崔穎

日暮長

堤更回首

許渾淡煙疎雨過高城

杜子美

瓦溝銀竹曙翻江

馬祖常

浩唱庭花倒玉缸

劉貢父

山園四

座畫圖出

黃山谷

時有白鶴飛來雙

歐陽公

日色終臨仙掌動

王維

王城曉日窺丹鳳

杜子美

笑問客

從何處來

賀知章

詞人解撰河清頌

杜子美

一年最好是三月

韓渥

扁舟繫岸依林樾

蘇養直

百花原

頭望京師

王少伯

青龍夭矯盤雙闕

韋莊

終日慊慊思羈旅

杜子美

曉來時有流鶯語

張泌

馬上誰

家白面郎

杜子吳

沾衣欲濕杏花雨

僧日南

馬足車塵到處通

薛逢

等閒桃李即爭紅

陸龜蒙

花時未

免人來往

許渾

多少樓臺烟雨中

杜牧

綠楊紅杏滿城春

楊巨源

水面魚遊不避人

王建

何處貌

將歸畫府

譚用之

濕雲如夢水如塵

崔曾

遙看一處攢雲樹

王維

蜂蝶飛來過牆去

王駕

垂鞍不

鞍馬行遲

李從一

莫是長安行樂處

李頎

春花不愁不爛漫

杜子美

早晚煙村碧江畔

譚用之

山水之

圖張賣時

杜子美

家無甌石輸百萬

同上

家住紅蕖曲水濱

李義山

天晴宮柳暗長春

杜牧

溪邊物

色宜圖畫

張泌

須就桃源問主人

宋邕

酒慢高樓一百家

王建

春城無處不飛花

韓翃

孤舟明

日毘陵道

皇甫冉

且盡芳尊戀物華

杜子美

次韻賀李若虛憲副得男

每見杭人問再三行臺秋日可生男
檄題麟紱俄傳喜

慶乏犀錢却負慙從昔有聞仙李在
繼今相屬海榴堪

知君苦瘦常慳飲不道春來不盡酣

南京戶部尚書三山黃公哀輓

幸承恩渥許還山便遣悲聲徹帝闕六袞光陰銷鶴算
四朝勲業重鵷班歸裝只有圖書刻遺像空留劍佩顏
名與慶源應不竭七閩流水共潺潺

送王公濟進士知丹徒縣

今年閏月秋聲早雨後涼風葉堪掃知君夙戒有行期
疋馬曉出東門道憶當與君識面時總角相看最相好

侍親同向錦官城壯志不畏連雲堡官舍比隣雞犬通
那似尋常覓梨棗陽春白雪漫賡酬黃卷青燈共探討
天涯回首各西東輓輓紅塵走蓬葆蹇予待詔金馬門
玄髮蕭然半將縞別君已經三十年忍不相逢一傾倒
喜君擢第千人中玉笋聯班幾才藻新陞忽綰丹徒章
白日恩光照晴昊人生離合苦難常屑屑何須掛懷抱
佳勝東南古潤州未說丹崖與瑤島虹月猶窺二米家
江山不共坡仙老行哉肯負平生心坐見居民樂魚稻

政成應遣簿書閒詩畫寧論武昌稿我病安能餞一盃
離愁欲絆離亭草重來有約我鴈冠不待平時考功考

送槐塘族孫澹之上舍南歸

今年喜子升辟廨一身遠逐南歸鴻堂上雙親壽且樂
正當月滿三秋中明年月色亦如此秋試文章勉吾子
槐塘相國世有人一經相傳取青紫丹桂花開金粟香
玉兔藥搗長生方高歌明日送子去多辦沙溪秋露觴
故侍御安城鍾公哀輓

烏府初持憲彤庭首抗章重淵思取日三伏遽飛霜結
舌人何擠捐軀獨可傷憑誰司國是空自沮臺綱北極
樞旋正前星色再揚褒忠光隧室誅佞榜朝堂未覺英
魂散偏憐慶澤長宸衷矜寡婦恩典及諸郎愧我生雖
後書公傳最詳正觀毛髮聳昌誦齒牙香漫爾編芸帙
無由奠桂漿青松碑石古白草墓臺荒肖像千金在懷
人一鑑亡感時歌楚些清淚欲浪浪

病中齋居兼謝西涯學士見過

倚榻蕭然不出門坐聽宮漏幾黃昏暑留巾襪齋心慣
病却茶瓜藥禁存竹簡有情時共閱楸枰無偶但空捫
故人秉燭能相訪踏破閒階碧蘚痕

次韻原博諭德

抱病經旬未入朝齋居秋思轉寥寥坐憐白日繩難繫
起望青山手可招夢繞川原疑脫騎瘦便風露愛聞蛩
詩壇故事誰先續倚席長慙郢上謠

楊中書應寧行卷

應寧祖居滇南其父徙居
巴陵應寧又卜築京口

十年供奉住京華幾處丘園入望賒夢遶啼鵲過六詔
心隨征鴈落三巴卜居早續并州句歸路爭迎漢使槎
珍重板輿行處樂太平何地不宜家

題冀郎中墨牡丹

嫣然只是洛陽春水墨丹青總幻身花若有情應解笑
品題空自出詩人

瓊林侍宴次定西侯韻二首

臚唱三終扇影分口承天語下紅雲綠旗絢日春城見

玉漏含風午閣開，一代衣冠沾鎬宴。
九天星斗煥奎文，東風拂面恩如海。
不待宮壺已就醺。

南宮春宴一番新，首席還當柱國人。
蓮社賦詩曾倚馬，柳營傳檄舊分麟。
三公錫寵聯黃閣，多士隨班謝紫宸。
共說得賢今最盛，詞章千古陋隋陳。

王司言儀賓園亭夜酌與李世賢學士李符卿

士欽聯句二首

一天涼雨及時來，傑花有紅香菜有臺。
亭上正堪尋舊

約

程

簷前無復見飛埃當空霽月光逾燭

傑

貼水新荷

淺勝盃從此不勞遊別圃

璋

主人家世長三槐

傑

主家亭館隔紅塵

傑

秉燭傳觴更可人

程

花影參差搖

綺席

璋

漏聲迢遞下嚴宸

程

庭涵秋意虫初響

傑

座挹

寒光兔欲馴

程

後會有期寧待約

璋

乘閒來處即佳辰

程

溪西竹屋卷為陳千戶賦

看竹何時徑出城溪西亭上濯塵纓青山入座真成畫

金夕口人合
卷七十八
白鳥迎人似結盟風外懶便紗帽側雨前涼愛葛衣輕
頗聞地主能延客飲力何如阮步兵

奉寄宮保大司徒余公時總督北征

授鉞頻年向北陲又看殊錫下彤墀詔書疾置飛黃馬
喜色遙占太白旗塞海羣黎應徧德尚方新爵待班師
有臣文武天王聖聽奏周宣六月詩

木假山與李符卿士欽聯句二首

小朵飛來遠逼真

李

水漂沙啗幾經春烟鬟拂樹陰長

合程土骨粘苔綠未勻醉客彎弓疑伏虎李畫工揮策

恐生麟江南何限雲根在程贏得詩人入夢頻李

鬼斧何年砥柱存程嶄然頭角手驚捫雨來迴帶烟嵐

色李日落常涵紫翠痕眼底一拳分太華程掌中三股

劈崑崙飲餘不作平原癖李咫尺仙槎認海門程

陳高士林亭和韻二首

每恨家居九陌東朝衫無地引清風關心漏待三更月
障眼塵飛一丈紅勝境忽疑仙島近好懷先遣俗緣空

彈碁淪茗兼題句不覺西亭日過中

偶過琳館繫情頻似結烟霞未了因塵世苦難逢笑口
仙家誰可著吟身綠陰匝地全消暑紅藥翻階已後春
載酒重來先訂約歌童還解識詞人

松月圖為陳高士題

綠釵揺影見分毫露下空庭月正高禮罷夜壇頻側耳
一天涼籟洒秋濤

遊王司言國賓郊園

風逗黃雲漲麥川井分新綠繞瓜田
童穿牆缺携壺到客趁堂虛借榻眠
樂憇午陰憐困馬預傳秋律愛鳴蟬
城樓咫尺忘歸晚多少詩情落照邊

予馬與司言之馬既脫羈勒遂相情好於綠陰
青草間有感而作

綠柳郊園百畝長兩駒初脫紫遊韁
翻身顧影交相惜駢耳嘶風喜欲狂
渾似弟兄聯伯仲不須牝牡辨驪黃
何人驚驥能相挈為寫薰風首肯場

避暑李符臺宅

擬逃炎暑向誰家鬱鬱槐陰舊相衙
厭客任人譏襍穢借眠容我鬢
鬢髭江南水竹空勞夢天上星河欲
泛槎可是春盃冰盃客也期來此共
茶瓜

司言儀賓邀賞蓮不赴

正坐郊遊困宿醒更申花約了餘情
病軀不帶看花分聊助澆花酒一罌

雨餘涼思繞芳叢行令還應折翠筒
勝賞未容多客預

一枝原號狀元

紅聞張啓昭諭德
在生故及之

送沈良臣知歸德

雙旌搖拂薊門秋，已覺先聲滿宋州。
甲榜自稱前進士，專城人羨古諸侯。
金鳧香漉離筵酒，彩鷁先生客路舟。
入境為君先送喜，如雲嘉穀徧田疇。

立秋前二日遊溪西竹屋馬上次同遊者韻

溪上林亭待客遊，茶瓜今日定淹留。
馬驚小雨還成霽，蟬咽薰風已報秋。
沙路散行迷遠近，水禽貪浴自沉浮。

望中早覺西山好十里嵐光翠欲流

久約溪西看竹來雨中騎馬到池臺
鷗邊水濯塵光去鳥外天隨眼界回
逃暑靜使沙岸柳借眠慵掃石林苔
病身欸客仍供酒轉覺陳遵是俊才

送太學生殷質南還

殷家少子真白眉業精小戴無荒嬉
尋師過淞不憚遠角藝南京常數奇
成均正值收材日羨子束書偕計入
司成教法嚴如霜六館鴈行分甲乙
暑雨吹風塵不飛

諸生有恩容暫歸離亭一尊柳陰重挿河雙槩浪痕肥
君家兄弟子出色好取明經發先德捷報他時會有期
坊表巍巍碧山側

飲靈藏寺

七姊妹花開已空繞闌猶幸有葵紅坐中便起烟霞癖
門外那知市井通深院影回三殿日小亭涼入四窻風
一尊蓮社新開約莫厭頻來問遠公

又次壁上舊韻

不知支遁在東林咫尺園亭負賞心上界雨餘花似錦
南來舟蒞酒如金人從廬阜開新社詩與唐風續正音
自愧濯纓無處所靈源何日許相尋

飲司言儀賓園亭限韻

雅意寧須錦步圍亂荷如草綠菲菲花前喜聽江南弄
醉後須拚月下歸縱步繞叢嫌竹粉露眠當逕借苔衣
誰行酒令嚴如許交錯觥籌總不違

和石城學士韻送餘姚賈尹宗錫南還

城東開宴送離人笑語風生滿座春
賈父政聲今卓異
右軍詞翰幾清真
倡酬句與花爭發
去住情隨酒共親
召命有期登憲府
姓名先已達嚴宸

盛子昭小景

風起長松鶴未還
兩翁身似水雲閒
一襟古意無因瀉
童子携琴正過山

司言儀賓府賞蓮二首

欲洗新妝渴有餘
偶然涼雨落階除
圓盤走玉青無賴


疊辦凝香畫不如詞客擬將簫注酒主人何羨井投車
炎光一掃都成趣細拂苔牆盡意書

亭亭玉立晚風餘萬種塵緣已盡除錦向天孫分大巧
色從魔女悟真如病身為爾新開飲賞約憑誰更下車
競與花神留好句手扳荷葉任情書

題陳邦濟小景

鳥外連峯認蜀鄉鷗邊新水似清湘山行尚絜圖書譜
野坐渾勝吏隱堂隨地塵埃慙馬癖及時紅紫笑蜂狂

燕酤不說郢筒飲何日相期為洗觴



篁墩文集卷七十八

欽定四庫全書

集部

篋墩文集卷

七十九
八十

詳校官編修臣李堯棟

中書臣劉源溥覆勘

總校官進士臣朱鈐

校對官監丞臣張曾炳

謄錄監生臣陳燦

欽定四庫全書

篁墩文集卷七十九

明 程敏政 撰

詩

成化丙午秋七月受命主考南畿秋試辭朝日

贈同事汪庶子伯諧二首

御墨傳名下九霄校文何意及
宮僚緘誠禮幣雲霞爛
賜別恩壺雨露饒千里長江看
逕渡一秋殘暑會全消
網羅願得岐山鳳噉噉和聲協
舜韶

玉署青坊二十春
聯鑣同巷最情親
登名夙已推先進
論秀那堪逐後塵
鎬邑士風天下盛
秣陵秋色望中新
相期不負公家託
共誓丹心拱北辰

離京後不暇作詩自儀真遇風渡江至龍潭驛
與伯諧夜酌志喜一首

畫舫長牽日夜行
好風天借一帆輕
濤聲北擁迎鑿鎮
山勢東蟠建業城
澤國魚龍爭起舞
水村雞犬誤相驚
清尊紅燭論心地
記取江南第一程

鹿鳴宴

是夜大雷雨
揭曉大晴

華宴弘開署鹿鳴英才羣起快鵬程百年山水原鍾秀
一夜風雷忽放晴琢玉喜看聲中律遺珠留取價連城
踈慵敢負知人鑒北望紅雲祝聖明

謁孝陵恭賦

蟠龍山上柏層層寢殿巍然紫氣騰神武尚占霜令肅
睿容如見日華升萬年成法尊周典一代興王祖舜陵
聖德有碑高百尺虹光終夕照峻嶒

五武湖

梁陳遺蹟久消磨
分派都成太液波
此日承平人更樂
夕陽洲上采菱歌

天界寺留別六部諸公

名山曾是泐公房
吟榻依然草廋荒
行客欲來詢舊事
高軒方此薦離觴
秋光併與詩情薄
斜日能牽別意長
迤邐醉歸松下路
隔林金粟有餘香

永寧寺留別隆平侯諸公

公事初餘半日閒故人相約扣禪關萬松擁霧都環寺
一塔凌空正對山尊酒暫陶塵外樂歲華頻攬鏡中顏
匆匆不盡平生意畫舫西風又北還

過王尚文給事

短橋流水過門前老木垂楊夾路邊兩耳清風生竹迳
一腔生意舊瓜田浮雲久不關塵慮白日偏能了醉眠
南國太平容散吏詩盟來結定何年

雨花臺與汪庶子平江伯司馬侍御聯句

肩輿直上妙高臺

司馬

極目秋空亦壯哉

程

山勢重重

雲裏出

陳

江流滾滾霧中來

程

興王一代誇形勝

汪

霈

澤千年被草萊

司馬

登覽平生最奇絕不辭傾倒菊花

杯程

靈谷寺與汪庶子平江伯司馬侍御王給事嚴

正學聯句

翠蓋亭亭立萬松

汪

寶坊遙倚白雲峯

程

元戎肯結新

詩社

司馬

詞客能談舊講宗

陳

分供泉香思淪茗

程

隔

林風定忽聞鍾

司馬

勝遊總是文章彥

王

千古蘭亭可

繼蹤

嚴

靈谷依然古跡存

汪

松間同踏舊苔痕

程

幾灣碧水分

園寺

王

一路青山直到門

司馬

踈柳躡陰連下界

王

輕

雲將雨過前村

陳

眼中風景真如畫

嚴

吟賞何妨到日

昏

汪

鍾阜東來一逕深

程

偶因名勝訪祇林

司馬

鳥銜桂子

僧前落

王

簾捲山光戶外侵

陳

萬里長江供遠望

嚴

六

朝遺跡助豪吟

汪

重來更有他年約

程

肯為塵緣負賞

心

司馬

冠蓋聯翩勝地來

司馬

登高便覺好懷開

王

金陵王氣

傳千古

陳

玉署文光燭上台

嚴

祖餞莫辭今日醉

汪

使

槎將及晚秋回

程

人生會晤渾無幾

王

一任昏鐘落日

催

陳

高秋時節快登臨

王

雲外僧房竹院深

陳

一啜清茶忘

世味

嚴

偶聽多貝了禪心

汪

小童解作天魔舞

程

佳客

能成白雪吟司馬樂事正逢休暇日王玉壺莫放酒停

斟嚴

勝日來遊到上方陳松陰深處石泉香嚴穿林喜有雙

僧引

汪

把菊寧無一醉償

程

秋景怡和詩興好司馬官

心那似野情長王高歌縱飲忘歸路陳回首青山又夕

陽嚴

王氣騰空近祖陵嚴梵宮深護白雲層汪青山入坐嵐

光重

程

翠柏當軒爽思凝

司馬

下界塵氛渾不到王上

方樓閣記曾登

陳

醉來擬刻杯間竹

程

欲寫新詩恐未

能

注

八功德水

石鑄透出垣分流曲似蜺風文行翠轂雲影動朱幡香
欲傳僧供清能滌世煩誌公如可起一笑問靈源

登報恩寺塔

寶坊南近雨花臺入眼丹青面面開清夜香燈千印度
紅雲宮闕雨蓬萊遊人漸及登高節倚馬慙非作賦才

斜日長干重回首橫江一鶚正飛來

鷄鳴山上小酌與汪庶子于京兆聯句

高臺同上躡天風

于

望入蒼茫眼界空

汪

象緯分明星

闕近

程

河山環繞帝都雄

汪

日斜江口潮初白

程

露冷

林梢葉漸紅

于

王事有期鄉夢杳

程

一尊相屬思無窮

于

功臣廟下作

鷄鳴山側英雄坊朱門半掩青松長功臣廟食自洪武

下車進謁開中堂元勲佐命推六王儼然並坐徐與常
左李右鄧沐宸少霜髯獨見東甌湯秉圭服冕垂衣裳
異姓聯翩如鴈行公侯十六分兩傍金貂玉帶相輝光
辦香一炷三嘆息却走苔堦觀畫廊竭從真主興濠梁
材傑奮起驂龍翔長江飛渡入建康血戰往往皆鷹揚
當時陳虜號最強屢仗左纛乘飛艍諸軍一劒番水陽
不日降旗來武昌神威自此若破竹偕竊次第歸天亡
按圖未取東海方下令先縛鹽城張遠清閩廣服蠻徼

繼下滇蜀連氏羌東南畧遣瘡痍息健兒不敢窺牧場
臨江發兵二十萬如以虓虎駟羣羊沛然時雨仰星旅
撫綏六幕寧八荒乾坤一統成帝鄉九州入貢紛梯航
文孫繼承萬億載諸將之功何可忘禮官四時奉蒸嘗
令典與國同無疆錫封賜履遥相望山河帶礪分天章
至今一二傳世芳餘者中微殊可傷安得司勲徹聖聰
兩漢故實芸編香摩挲丹青落日黃一時際遇思明良
陸機有頌愧莫續風雲颯爽天茫茫

梁處士

成化丙午予奉命考南畿鄉試教諭閩人梁璋實
來同考事竣出其大父處士墓表相示因賦此詩
續哀輓冊後且以見其家學之有自云

梁鴻清譽重閩川塊坐青山是幾年惠澤有功存里閭
勝遊無跡到林泉寫真想見松雲影哀些猶聞薤露篇
喜得賢孫方繼美青氈無愧一經傳

題汪廷器冰雪盟卷

徂徠公渭川子孤射仙人相鼎峙平生不啻刎頸交冷
面鐵心無彼此天寒地折萬木僵滿眼冰雪人走藏三
君獨不改顏色特立乾坤如鴈行牡丹芍藥誰主張敢
作花相稱花王毅哉三君渺何許倏見精神照溪渚虛
堂白日光射人六月蕭然不知暑雲湖陶生欲學文湖
州勾勒寫此瀟湘秋向聞去作海東客更遣虬枝動池
墨興來忽憶太守梅花孫胸中春意萬斛不可論水香
月影久蕪沒高足却在雷溪村越國聞孫諳畫訣一見

丹青識優劣紅綠紛紛不直錢重是三圖比三絕老我
北行方治裝披圖為了半日忙歲寒有盟誰可續酒酣
擊節歌聲長

九月八日枕上聞秋風大作有感

鮮飈中夜起簌簌鳴高林虛堂耿不寐斗寒入重衾南
來今幾時北去當秋深關河本迢遞歲月仍侵尋幸此
公事竣一舸臨江潯松楸鬱何許渺在青山岑簡書嚴
有期悵望空沾襟依稀故園夢搖落西風吟歸鴻正南

翔登高一何心行李戒明發迥覺霜毛侵

石城門外有巨石臨水如伏虎疑即所謂石城

虎踞者

巨石臨江許天教守帝關聲疑風樹吼色藉雨苔班駁
馬空回首妖狐敢抗顏從來形勝地千古配鍾山

觀音山

恠石顛厓虎豹蹲岡風長挾怒濤奔女墻表裏環天府
佛閣東西據海門景勝我無三謝句時平誰記六朝村

官舟落日頻回首帝業巍巍萬古存

渡江至儀真是日微風不興江水如鏡與伯諧

伯常緩酌微吟不覺至暮

時伯常以服闋上京

彩舟搖下石城灣風定潮平客意閒鳴櫓不驚沙上鳥
推窗如看鏡中山一天秋色供詩料五斗春風入壯顏
津吏又迎江北路漢槎新自秣陵還

和于府尹景瞻遊金山寺詩八首

遊金山寺一首

隔岸鐘聲忽報晴
海霞紅拂鏡中明
秋亭欲撫南鴻背
夜閣遙瞻北斗平
地迥有泉消醉渴
景多無筆寄吟情
壯遊直蹴金鰲頂
小住征帆幾日程

約遊金山寺值風雨不果一首

半夜風濤雪擁洲
水天孤負漢槎遊
青山帶雨雙娥重
白塔凌風一柱浮
野衲漫思迎道左
津人空遣候江頭
登臨再訂他年約
滿注春盃掃客愁

寄題金山寺二首

波心千古出樓臺長笑人生幾度來終有寸緣分白社
暫收雙足洗黃埃歌成欲鬪潮音起景勝翻疑海市開
遙指紅雲過江去煖風初透北山萊

潮落春江倚櫂時一番登覽動遐思長空去鳥人間世
獨樹危亭畫裏詩銅鏡未須驚白髮玉壺多遣繫青絲
醉來不懼蒼苔滑踏遍南垌與北涯

憶金山寺并約友人重遊二首

曾過浮玉扣遺蹤劫火年來跡半空未覺傳衣宗印老

却能留帶屈坡翁病慙海鶴身猶健飲似江鼃力尚雄
勝賞莫教虛勝日翠鬟須待暮煙籠

空門依舊瞰潮頭屈指重來兩鬢秋山色有情譏宦轍
江聲無計絆離愁倘從竹裏陪佳客便好塵中說勝遊
何似捕魚人最樂紗帽長趨夕陽收

重遊金山寺二首

振衣衝散薜蘿烟豪俊同來憶壯年酒令肅於盟踐土
詩勲奇似勒燕然排山浪起鷗邊雨絕海雲橫鳥外天

却望南徐重懷古一斟寒渌奠諸賢

禽聲無數說春愁遠客真應續舊遊
錦繡江山圖上見金銀宮闕鏡中浮
花枝照眼紅堪摘水氣侵人翠欲流
潦倒正須文字飲尊前何必錦纏頭

予考士南畿竣事之餘京兆尹于公景瞻出其遊金
山八詩見示真國手碁不容更敵而一時和者又皆
傑作足以相高顧不鄙予請復繼聲其後辭不獲已
乃勉成之玉樹蕙葭識者固有定品矣念金山之遊

予亦再三其所留題不下景瞻而寺僧碧峯率能暗
誦蓋僧不知工拙欲矜其善記槩以動客故耳予詩
豈足以廁名勝哉聞碧峯近已物故為之戚然書和
章之尾以歸景瞻而并誌今昔之感如此成化丙午
秋九月十日敏政書于龍江驛舟

贈無默子

張子房學辟穀從赤松子遊而善用兵陶朱公師
計然號鳴夷子皮而好貨殖陶弘景居句曲山號

華陽真逸而喜聞國事宣樂人之樂憂人之憂固
神仙之所不廢者哉成化丙午遇無默子于廣陵
河下聽其言觀其所著述殆將希蹤于古人者惜
其不以告予而予之不及知也賦一詩以諗之

廣陵河下遇髯翁對酒談玄思不窮慢道仙凡如許隔
也應憂樂與人同丹臺一日通名姓青史千年紀事功
羽客從來能玩世幾人空望弱流東

高郵湖遇風予登岸步過湖以詩調伯諧伯常

二寅長

湖上西風夜放顛官舟如瓠水如天不如滿意沙頭步
何似驚心浪裏眠好景儘供詩興足畏途真笑宦情牽
一尊留得金陵酒擬向中流慰兩賢

淮安韓太守太經韓同守宗魯迭餞且有新舟
之惠

兩日淹留楚水涯郡侯深款見深懷黃花尚及登高宴
畫舫真同寄傲齋千里歸心懸夜月一天晴色淨陰霾

相逢漸媿朱顏改屈指于今七渡淮

可竹軒

隆平侯張公天吉志尚高潔所至有花木水石之
娛而尤以墨梅重一時間號其軒曰可竹予以公
事來南京過之人境俱清宛在塵外既去之不能
忘因賦長詩一篇奉寄以見意云

瀟洒將軍瘦於竹一軒可比篋簞谷清風吹動紫宣毫
更遣孤山春意足寫梅種竹今幾秋水霜之節元相投

渭川封君不須數金貂濟濟傳留侯甲第東偏絕塵掃
曲徑回廊連碧篠隨步清芬不厭多呼童莫剪窓前草
畫軸無論寶繪堂石譜亦似平泉莊甯中丘壑有真趣
却笑紛紛聲利場偶然坐我脩竹下細拂琅玕翠堪把
茗盃爐薰客意長不覺斜陽在簷瓦我家篁墩溪水湄
年來有俗慙未醫食肉躍馬非所願與公結社還相期
蘇墨亭

百步洪有東坡石刻云郡守蘇軾山人張天驥詩

僧道潛月中遊十六字沒水中三百年矣水部主
事尹君廷用得而畀之作亭以覆曰蘇墨子凡七
過其下不能措一詞成化丙午秋歸自南畿念終
不可已乃勉成數語留亭中且以寄尹君時予族
姪孫楚英方同知徐州并書以贈之

蘇墨亭前七回過春水茫茫懶收舵公輸門下難為工
縱有新詩不成和高秋水落百步洪登亭如見蘇長公
大書深刻十六字橫姿逸態生長風黃樓東來水如注

野僧山人舊知遇石瀨濺濺月滿天彷彿當時夜遊處
題名一去不復還風雨剝落莓苔斑水神淵客那敢閤
至寶有日歸人間行河郎官訪遺蹟摩挲愛此羊公石
百夫舁出泥沙中榻本相傳驚再得風流太守惠政多
築堤兩岸高差我由來物與人交重墨妙紛紛知奈何

遊桓山

別路停橈泗水潯秋山高處一登臨夕陽回望州城遠
落木中穿石洞深桓氏久應無葬骨梵宮聊爾繫遊心

磨崖尚刻蘇公字擊節何人續楚吟

予自南畿校藝北歸過徐州楚英姪方同知州事追
餞桓山僧舍觀宋司馬葬穴及蘇文忠公石刻久之
賦詩而別時成化丙午九月二十四日也

歌風臺次韻四首

萬乘還家日威生泗水前楚聲聊復爾漢業已茫然宿
雨苔花亂斜陽樹影偏一臺慙戲馬相望亦千年

渺渺荒臺上蕭蕭白日前籀文多剝矣井汲尚冷然故

國誇形勝新亭說地偏向來懷古意蹤跡又經年

猛士歌難得長思宇宙間淮流應咫尺不道恨潺潺
擊筑悲遊子千秋憶沛間後來鴻鵠調同此汨潺潺
往歲登歌風臺荒落殊甚近還自南都聞陳水部宜
言好事者已作新亭矣且出近作二章相屬顧北歸
匆匆不暇往遊也一再次韻以寄興云

留別楚英節之二宗姪

予自南京北還道徐州同知楚英送予過桓山有

依依不忍之意至魯橋水部主事節之復遣人來
迓節之楚英皆吾族姪之分居鄱睦者念予復命
事嚴不得便道歸掃先壠中甚戚然而獨喜吾宗
之多賢稍自慰也賦一詩以貽之

我行徐濟間望望三日程波濤雜風雨滿耳皆秋聲吾
宗幸多賢足慰千里情貳車始告別水曹復相迎絡繹
問起居道路生光榮緬懷忠壯公百世留宗盟萬頃篁
墩湖流澤淵且泓西亭鄱水深東下青溪紫遂令好孫

子聯翩發高閼有如照乘珠連城價崢嶸顧我雖壯年
病散終無成鄉心折一寸白髮增幾莖所期在諸阮努
力勤功名謹無愧世烈況乃逢休明淹留勢不可暌違
意難平離離秋草黃渺渺霜鴻征酒盡我當發殘陽下
高城

淳安族兄敏恭并孺人方氏輓詩

都水主事愈
之父母葬邑

之浪
滄山

青溪流不極原自相湖分庭訓看黃甲林棲尚白雲死

無遺憾在生有義聲聞好伐浪滄石他年刻誥文
未受三牲養俄驚兩鬢霜悲生慈竹徑塵掩壽萱堂阿
母書來速仙翁譜系長傳家孤鳳在恩重水曹郎

留別臨清諸宗戚之客寓者

北去南來第幾番每勞賢輩候清源登舟一見非生客
把酒相看即故園寒水漸消城外牖短亭遙枕路旁原
王程未發聞津鼓坐拂溪藤寫贈言

寄休寧程上舍用顯

當時名字到成均，便脫儒冠荷寵新。
喜向家山開白社，懶隨年少踏紅塵。
松有節真宜晚，庭草無心亦自春。
好景念君行樂處，天涯多少宦遊身。

題歙人徐昊所藏十八學士圖

天策將軍上開府，大戟干戈思偃武。
衣冠濟濟十八人，曳裾番直論今古。
河汾學者王佐才，闕里更見聞孫來。
房公之謀杜公斷，憑仗異日登三台。
餘子紛紛號精選，啓運規模亦宏遠。
擬嗤鴻寶出淮南，肯數詞華鬪梁苑。

雲龍相從魚水親義兼師友忘君臣閻生作圖褚生贊
盛事千載留風神登瀛未足誇清要治比成康見即孝
經綸密勿誰所為乃翁却怪書生教晉陽留守真失圖
此語已決人肌膚向來有策密相授儒者一親吾輩踈
後車不鑒前車覆青史紛紛過還續唐虞世遠將奈何
人似昭陵君亦足手撫丹青思不窮渭流尚繞咸陽宮
好文納諫那可得想象當時貞觀風

聞中山張進士錡除休寧知縣詩以寄之

除書沿路喜相聞何幸山城得令君登第向來傳警策
勸農他日看新文政成擬共江南樂才美曾空冀北羣
傾注有懷秋漸老夾溪流水碧沄沄

十月十六日兒壘生辰作

壘子生今日吾方在客中課書勞阿叔戲綵念而翁露
漉秋莖白花占夜蠟紅親朋能壽汝萍跡嘆西東

德州道中

出逢漕舟來入逢漕舟去聯檣密於指我舫無著處沿

流或相妨百詬亦難禦有如暴客至中夜失所據又如
操江師擊撈散還聚摧篙與折纜往往繫愁慮平生凡
幾出苦口戒徒御忍後莫爭先寧緩勿求遽今茲畏簡
書刻日覲當寧而況河防嚴衣冠重相懼危坐鬱成晚
少寢驚達曙蕭蕭傍水村隱隱隔城樹緬懷古賢哲高
卧得深趣愧此行路難推蓬賦長句

新橋驛登陸之河間拜掃先墓道中作

新橋河下夜停船早向瀛東掃墓田久客漸驚時序改

何人能了宦情牽白雲渺渺垂天末黃葉蕭蕭墮馬前
人與歸鴉心共遠高城猶在夕陽邊

次河間顧太守雙頭瑞蓮詩三首

懶將脂粉浣天姿並倚薰風占碧漪
價抵黃金千未慊秀鍾紅玉兩爭奇
水仙步穩青霞蹙湘女衣輕白露滋
瀛海自今傳盛事徵書不日為公期

野老驚傳得異姿靚妝駢首照淪漪
暖風拍拍薰初醉小雨涓涓洗更奇
雲幄有情長遣護化鈞隨力暗相滋

循良合見豐年兆勝賞憐子已後期

彈壓尋常草木姿紅衣長愛濯漣漪風前合壁嬌難偶
月下連環影亦奇香遠似分三竺妙根深應受百年滋
重來欲訂花神約碌碌塵中未有期

篁墩文集卷七十九

欽定四庫全書

篁墩文集卷八十

明 程敏政 撰

詩

贈歐陽令君十二詠并引

安成歐陽君之令我休寧蓋三年于今矣均民之
賦而紓其力祛民之害而奠其居致民歲之豐而
足其食科條惠政不可一二計然亦多世吏所能
者獨予家居時見君公退即召諸生于閒館與講

授而又按據圖志復立二程先生之祠表章宗孝
子查待制及尚書金忠肅公之墓崇正學勵頽俗
而淑人心則有非世吏可及者矣予竊敬之蓋君
本文忠公之族二親無恙庭訓有嚴遂以春秋魁
其鄉進魁多士而與其介弟前後舉進士甲科學
之所進足以重儒紳才之所充足以攝吏事雖小
試于一邑而大有所成也君嘗以述職來京師為
一郡六邑之冠今茲以考績至又書上最于吏部

廷謝而歸其政益成其譽益興旌異之典擢用之
召近在目前而我邑之人求終其惠將不可得矣
因撫見聞為十二詠以致區區之意其間以地志
為託蓋迂儒左見每以緩為急而牧民要務又皆
君之所已行者不待贅也

歌豐年

令君初下車隨車一丈雪嗣歲麥有秋遠近總驩說繼
此三周星風雨常應節老天錫賢侯不遣民望缺稻隴

銓艾忙楓林鼓聲徹何處飭農文徒焉寄愁絕

樂均賦

民書獻天府息耗古所珍役法在有司搏節敷皇仁肅肅安成君手綰銅章新弗憚朱墨勞坐令民力勻誅索罷里胥歡聲動比隣松蘿有佳蔭不數河陽春

崇洛學

恭惟兩夫子休寧託維桑俎豆久淪沒苔垣隔宮牆賢哉百世士補墜功非常一崇遺愛祠再作鄉賢堂絃誦

有觀感草木生輝光知君足儒吏名共伊流長

授魯經

多君熟三傳入試擢兩魁作縣本經術民力能深培公
庭簿書暇學子來追陪筆底秋霜嚴坐上春風回教養
有餘地俗吏空喧阗他時景行者雲巖碧崔嵬

復古阡

北過松蘿門孝子有先隴南望徕真山忠肅起高塚更
代今幾年不復難荒茸考圖還舊物掘史得芳踵勉哉

忠孝心邦人一傾竦爾知
今君仁寧知今君勇

罷宵警

海寧號樂土夜戶常不關
一二或梗化往往潛榛管
云誰事姑息縱彼踰大閑
侃侃歐陽子一朝破冥頑
鳴匭卧而嬉警折相與間
行人亦胥慶烟火連青山

昭具慶

六一多遺書二老復聯德
產此名家郎不墜稽古力
竭來山縣中弦歌樂其職
有若崔玄暉時送好消息
行行

當要津落落開壽域皇恩定推封迎取丹鳳勅

美聯芳

羨君好昆玉次第起黃甲平生春秋學袞鉞共書法宛
如雙鳳雛瑞此文教洽蟲蟲青雲間高舉力不乏詩夢
協春草詞源倒秋峽持之問蘇公才名可相壓

趨大朝

海寧地百里封疆如子男令君述職來得與諸侯參天
王御紫宸黜陟分廉貪令君當是時政績鳴江南卓彼

公論出感茲聖澤覃老穉方引領春風促歸驂

書上考

民功備六事稔歲踰三秋及此政成日獻績來皇州
宰書上考昌言告宸旒濟濟鷁鷺班長恐即見留雙旂
幸且還釋我山城憂都門一相餞桑梓心悠悠

成地志

令君閱圖經長嘆多闕畧梓行須完書向我有夙約惟
茲海寧邑勝覽亦旁礴江山號多奇人物代有作鉛槧

初釋手裝潢東高閣不遇若人賢斯文更誰託

迂天恩

民喜令君來不喜令君去令君可淹留終當入朝著一日下徵書行李戒徒御却辭花縣封轉上栢臺署耿耿存去思紛紛播芳譽只應攬轡日不忘鳴琴處

謁陵出土城贈同行諸君子

豐鎬人才比夏殷追陪何幸得諸君吟場博雅愁孤注交味芳甘却衆輦廢堞寒流空浩渺御陵佳氣正氤氲

永安城裏劉黃廟旅夕還客半榻分

清河有感并答尚矩侍讀

立馬蕭蕭野水南石梁茅屋暫停驂並遊離合今餘幾
此路馳驅已再三遠岫鬱葱晴露擁空林蕭颯晚風含
奚囊最愛江都句郁郁天葩陋海曇

沙河書所見并感中元諸公遇雨之難

平田白草望中齊斷隴危橋幸屢躋頗愛初陽光煦煦
却憐舊雨尚淒淒龜趺古碣看遺篆驢背軍儲困遠齋

短策羸驂還少憇道旁炊午斷霜蘼

望昌平作兼答曰川諭德

萬仞橋山入望高輕裝來慣不知勞近城石瀨清塵鞅
何處山風裂苧袍馬脫鞍銜隨地宿犬驚冠蓋隔林皐
燈前試品行囊贈太史新篇似水曹

題劉諫議祠

老樹陰森護廟門尚疑生氣塞乾坤衣冠死愧千言策
俎豆公宜百世尊晏歲牛羊山下塚東風桑梓道旁村

金
卷八
十
匡時不盡平生恨白日悠悠逝水奔

新祠門對潁池灣再拜臨風憶壯顏入眼已知甘露變
剖心思挽夕陽還權奸擾擾悲桑海風節稜稜重斗山
聞有狄公同祀典辦香何日更乘閒

發昌平

出郭先登亂石岡凍雲垂野日蒼涼田甃冬盡猶慳雪
陵樹年深總奈霜寢殿四圍山色近御橋橫截磴聲長
齋居依舊西風下鵲鷺相聯第幾行

道中追廷言司業不及

雲壑重重石逕危出城車從杳難追擁貂徒倚惟公便
立馬推敲每自嗤冰澗水聲疑爾汝夕陽人影認伊誰
望中已覺神宮近矮屋朱樊后土祠

恭賦四陵

四山佳處寢園開彷彿龍輿自往來盛禮蘋蘩供俎豆
遺恩汪濊及蒿萊丹丘盡享仙人樂玉冊空餘帝子哀
落日長岡翹首望萬年神鼎看胚胎

望狄梁公祠

崇祠香火傍穹林想像生容一正衿
猛虎尚馴良吏手牝雞能拂老臣心
孤雲渺渺回天末短日悠悠及歲陰
古道荒榛知不遠瓣香他日敬來尋

喜晴

山靈應識我重來谿霧林霏次第開
周道暗塵如水淨漢陵佳氣逐陽回
先朝駐馬留齋殿何處呼鷹有獵臺
預恐陰何詩力健擁爐無計撥寒灰

至日謁陵畢懷侍班諸君子

四寢叨陪夜奉祠
八方稱慶擁朝儀
珠簾宿霧飄香篆
玉陛晨光動戟支
北伐已聞沙塞檄
東封何羨泰山碑
晴天好月歸途便
傾倒奚囊慰所思

和屠都憲朝宗見嘲

相隔齋廬百步多
吟筒來速奈君何
已操漢吏三章法
更愛韋郎五字哦
口業未除時破戒
詩禪常定不成魔
野田處處方憂麥
願和烏臺郢上歌

閱舜咨所萃諸公行卷

回首青山又隔年風光無限落吟邊
枯藤逐處留殘藁
古錦歸時得巨編鬱鬱礪松盟
晚翠紛紛林卉競春妍
病來轉覺詩脾澁坐羨諸公思湧泉

下山憩昌平舊館有懷李學士賓之

西陵南下夜何長馬上相看慶一陽
白社不來消旅困
青山應解笑人忙倒尊未覺春光淺
開戶俄驚曉色涼
舊雨故人詩滿壁龍蛇騰踏錦雲張

歸途有作

獨對高原時一登
日色紅酣天宇澄
官田甃麥徯梁賦
原廟衣冠非漢丞
逆旅聞雞爨初熟
斷橋飲馬寒無冰
居庸回望已百里
翠削芙蓉知幾層

題清河新寺

突兀前時起梵祠
曾看金狄好光儀
詩非疏筍誰當可
出有輕肥總類支
尊酒擬開蓮社約
文章何似菜園碑
寒天落日還過此
極目窮簷重有思

望狄梁公祠

乳雞鳴處一家危，問訊虬髯悔可追。
元嗣未應堪再辱，孤臣寧復避羣嗤。
台衡得相方成國，神器非公定付誰。
歐史范碑明曠日，居人徒識令君祠。

叢祠香火對山開，相國勲名重古來。
浴日有人歸薦草，嘯風無鬼附荒萊。
晴雲忽作千峯暝，朔氣還傳萬壑哀。
遺愛已深忘歲月，長松生子竹生胎。

成化甲辰長至日，走與倪翰長舜咨、吳同寅、原博及

李子陽白秉德二太史有陪祀西陵之行前此謁陵
賡倡最盛至是諸君子復將繼之予謝不能然往返
之間天日佳勝無風雪載途之苦亦自不能嘿然有
倡斯和得十有八篇借韻者十五聯句者一限韻者
二舜咨請書一通用備故事聯句一篇則秉德書之
是行也費司成廷言實與之偕然分祀東陵道中相
失其所得者當附入云

始生日對雪有懷故園梅花

故園為別兩經春瘦影寒香入夢頻晏歲壺觴空對雪
一時紅紫漫隨塵賡酬有約當何日供奉無聞愧此身
山下短簷脩竹裏花神應笑未歸人

自和

過眼行年四十春江梅千里繫情頻苔粘古榦龍生甲
雪綴寒花玉颺塵水墨有時看畫手杖藜無地著吟身
興來不惜臨風醉晚節相憐定幾人

鎮江熊良佐太守瑞麥嘉禾卷

城南麥浪翻雲黃兩岐結秀南風涼城西禾稻爛如雪
異畝同穎登西場一年見此兩奇絕潤州何幸天開祥
有熊太守政卓異化行千里無流亡使者停車喜豐稔
田父擊壤歌循良江南前歲驚水蝗西土今年憂旱荒
吾君勤民屢晨食誰乘五馬懸銀章乃知此境不易得
嘉禾瑞麥交穰穰薦新可以入大廟一膳仍堪歸尚方
在古諸侯見唐叔漢二千石推漁陽熊君應說偶然耳
北面稽首稱天王薦書不久到闕下咸美一日騰班行

進官賜帛修故事湛恩異數來黃堂郡志有圖史有筆
名與東流江水長

十一月十六夜送衍聖公

聞說高軒早出城一尊乘夜餞君行後堂綺席初燒燭
西郭銅壺已換更親戚幸聯先聖裔往來難盡故人情
傾心不愧歸途遠千里天街正月明

寄大衍聖公

蒹葭曾倚玉一別幾經春公愛鷗盟久予勞鴈字頻知

音懷綠綺染足愧紅塵不盡相思意尼山遠慰人

送南京少宗伯尹正言先生奉表入賀禮成還

任次南都贈行韻六章

鳳函稱慶自南宮猶記經幃舊獻忠翰苑文章思陸贄
天官丰采說姚崇來乘綵鷁瞻南斗去擁輕貂畏朔風
歷盡塵沙還建業一斟江水洗雙瞳

章城西畔啓離筵冠蓋紛紛下集仙馬首紅塵猶昨日
鏡中華髮幾流年行當綠樹飛霜後歸及江梅破臘先

珍重一觴情莫盡雙旌搖曳夕陽邊

鳴珮朝來出建章天時將復地中陽華夷祝喜同嵩呼
南北京應比漢疆禮局舊文存杞宋祖筵新曲度伊涼
老成不待諸生語心視江湖即廟堂

薊門人和石城歌相隔迢迢路幾何雲遶暮江南去遠
沙飛寒吹北來多冰銜又署新宗伯鼎族無慚古泰和
老去斯文堪屈指名還寧竦鬢雙皤

文采風流玉署仙重遊驚見歲華遷匡時力可興周禮

報國心惟祝舜年千里客懷良月夜一尊行色凍雲天
獻功亦是重來約前席時應禮舊賢

數載相違天一涯摳衣今喜拜京華情深屢勸吳江酒
冰結難迴漢渚槎攬勝歌詩千首出禦寒裘褐幾重加
望中咫尺鍾山驛車馬迎時已到家

送陳粹之憲副南還次都憲彭公韻

山川搖落水痕收慶禮初成出帝州來畏風尖才擁褐
去防水結遠維舟心懸舜日辭丹闕目極吳雲繞驛樓

南北王程應幾日新題須為故人留

賜莊八景為周草亭駙馬作

曲逕晴沙十里通賜莊遙枕帝城東客來指點蒼龍闕

正在紅雲一朵中

右路接
神京

割取東臯一半青主家恩澤重王庭綺簷繡戶看花地

猶有先朝攬勝亭

右地分
雲圓

萬綠千紅繞礪栽每逢佳處見池臺解鞍欲問門前水

源自天潢幾曲來

右河紫
翠帶

疊阜晴岡間碧漪勢如盤谷轉逶迤遊人莫道青山遠

四顧葱葱亦得奇

右岡列藍屏

青青沙岸柳成行疊疊風漪水滿塘中有呢喃雙燕子

往來偏解為春忙

右柳塘春燕

槐影沉沉翠不流可人情景最宜秋西風欲淨紅塵耳

一派蟬聲未肯休

右槐院秋蟬

龍形夭矯入青天根託名園幾百年大廈明堂知有待

臨風三誦杜陵篇

右古栢凌霄

旭日和風御水潄萬株雲錦照園林須知結實三千歲
曾受天家湛露深

右仙桃
凝露

送李黃門孟陽出使占城

壯君行色曉匆匆萬里天南使節通銀漢放槎占夜斗
炎荒迎勅領春風恩裁賜服雲生錦詩貯歸裝月貫虹
李揆才名今第一定知丰采動蠻中

分得湖水按藍為戚里孫雪亭錦衣賦

驚嶺東來百畝藍礪毛溪髮共盤髻鏡光冷浸幽堂外

黛色濃拖隧道南，遠脉已培先業厚。
涓流寧比聖恩覃，尋源記取山中路。
蔽野猶存古石楠。

題林良孔雀

黃蘆蕭蕭石齒齒，龍水有聲松有子。
西風原野宿無人，越鳥西來碧山趾。
一雌刷羽升樹顛，一雄舉武如相憐。
笙竽唱和白日靜，金翠照耀秋江鮮。
尚方不受珍禽貢，飲啄隨時度春夢。
水鳬山鵠亦欣然，網戶弋人空目送。
此圖何來真絕奇，輕縑簌簌含風漪。
林生家住南海上。

見慣落筆無差池同鄉柱史畫山積分贈王孫比雙壁
錦屏映日氣如生繡服盤雲尾相射林生久輟供奉班
王孫不欣桃李顏摩挲水墨賦長句淮陽畫永棠陰間
淮安太守韓大經得林錦衣此圖於其同寅鄭載道
載道予同年錦衣予故人也披圖恍然為賦此詩且
以見公重人及物之意云

次韻送左都憲廷珍巡撫大同

旄頭昨夜墜妖星憲節東移向朔庭萬里兵威開虎鎮

一天霜氣掃鯢鯢
民心擬樂桑榆暖
戰血從霑草木腥
不日玉闕飛捷奏
茂勲應入太常銘

題衍聖公畫蘭

國香那藉彩毫工
千載猗蘭曲未終
金石交情期歲晚
棘叢未實漫春風

壽鄉人方軫

山堂開宴洞仙謳
六十年來未白頭
隱處遠追盤谷景
壽醅新潑練江流
丘園束帛期三老
甲第歌鐘笑五侯

附鶴有詩應自此蓬萊他日幾添籌

送房驥都閩赴福建

總戎熊之子

除書榮捧向閩中獵獵旌旗暖受風
平世用人兼福將殊方分閩即元戎
瘴煙夜合松陰暗海日晴蒸荔子紅
莫為太平忘戰伐錦韜時拭舊彤弓

與士欽尚寶俱官滿六載次韻一首

六載光陰似隔年後先同入考功銓
徒聞聖相勤三握敢向清朝競九遷
池上絲綸應有種河南衣鉢愧無傳

侵尋老去知難狀約取窮途保更堅

送貢士阮玘胡煜赴南監

玘煜皆予秋闈所取士

才喜秋風宴鹿鳴故鄉文學久知名英標合見非凡子
壯節能無壓後生射策暫淹龍虎榜挾書遙入鳳凰城
相違屈指重來日浩蕩青雲九萬程

鹿鳴曾宴桂花前一郡人夸獨少年射策正堪新殿榜
束書重返舊京船好當著力春秋學莫漫娛懷月露篇
送子一樽無限意玉河如帶柳如煙

鹿鳴燕會圖為旌德江溥貢士賦

溥子秋闈所得士今戶部

郎中紀
南之弟

宴罷賓興日未斜
頎然丰采動京華
大鵬水擊三千里
雛鳳文騰五色霞
秋月再分丹桂粟
春風偏上紫荊花
相期更寫瓊林會
趣取才人兩鬢鴉

題沈石田雪景

踏雪何人過長坂
萬玉峯高磴聲遠
山中隨處可登臨
麥好何憂歲華晚
僧舍茶烟青出林
雲垂四野天沉沉

憑誰坐我冰壺北呵凍先成喜雪吟

壽柳文範中書母

莘諫郎君人所賢慈訓由來非偶然
白頭無愧柳家婦朱顏一似瑤池仙
月俸遙分自京邸春酒滿斟供壽筵
題詩拜手致遐祝鶴筭從今開八千

送徐大參公肅還河南

與君前後入都城才得論心又送行
亭上朔風消酒力道中寒月聽車聲
來朝遠上南山壽去路回瞻北斗明

洛下人家應慰藉春光先近一陽生

衣冠未集衍公房離合紛紛此一觴
盛世與君心共赫少年慙我髮初蒼
公車恨少三千牘宦轍驚踰二十霜
勝會有盟堪再續踈慵還得藉餘光

予自南畿校文北歸與進表藩臬諸公前後人見是
時予同年来者九人公肅大叅其一也禮成言別胥
會于慶壽寺故少師衍公之堂甚樂顧丙戌進士三
百五十人屈指計之今二十年然會者僅二十六人

存歿升沉之感有不可勝言者矣縉紳有詩贈公肅
之行予既附作一章并書同年會席上一章以識歲
月且以見離合之不偶云成化二十二年歲丙午冬
至前三日書

司言儀賓戒酒限韻索詩

近聞調息坐軒中新茗投機藥奏功想是卧薪踈酒盞
故應流水促詩筒羨君此日盟心切愧我當時語柄空
到府不須投姓字紛紛冠蓋謝嚴終

尹先生入閣有詩次韻

雲鵬遙轉自天池
鈴索錚然夜已知
相業待誰參變理
聖心從昔警艱危
三江丰采無雙士
兩漢絲綸絕妙詞
坐致太平真易得
可容桃李借春熙

六街歡動馬蹄灰
共報先生入相來
兼傳青宮需大老
贊元黃閣藉英才
琪花瑞兆秋成稔
璧宿光騰夜色開
二十二年門下士
獨慙疎劣負歐梅

青玉案哀郭用章僉憲

同寅陸君鼎儀盛稱其友郭用章之賢而惜其死
邀予為賦輓詩久未能應也一夕偶夢作古詞覺
而記其半疑不知其為何等語而鼎儀適遣人促
此詩恍然若為用章設也因足成之噫賢人之精
爽固有不隨死而亡者乎是可哀已

高才無愧霜臺佐荆楚地人相賀誰遣陽由灘下過烟
水迷茫風花飄墮不及荼毘大 清流肯受黃塵浣空
悵望吳山恨無奈歲月紛紛如蟻磨夕陽芳草斷蓬孤

杞忍讀招魂些

鷓鴣天壽費司業兄約軒君六十

花甲才周又一年
約軒初度敬華筵
句分池草千金重
春試階棠四葉全
娛綵服聽朱絃
主人如鶴酒如川
願言銑甕金山景
百歲常供几杖前

送李景祥赴台郡教授

京邸相看識面初
銓曹俄復聽新除
當朝九五才聞詔
行路尋常只載書
朔土寒風增客鬪
天台春色候經畬

黷宮努力希先達誰有三鱸到講餘

和韻

駒隙紛紛走鳳梭東籬花事未蹉跎久便吏隱真成趣
不解詩禪也伏魔周法盡除山澤禁漢庭將復孝廉科
比來五負登高會青鏡霜毛積漸多

洗句亭為仇司訓東之賦

七十二泉天下奇儘斟寒淥沁詩脾環亭巧作流觴處
隔座潛通洗墨池競病可能消俗韻推敲長愛俯清漪

高吟不數澄江練地主風流盛一時

梁叔厚太史父母哀輓

伯鸞高義重諸梁七表光陰曉夢長雞絮獨堪徐孺禮
干戈曾戢鄭公鄉嶺南鼓吹留殘藁庭下芝蘭壓衆芳
有託不憂身後事墓亭碑石見龍章

偕老無慚古孝廉慈闈方祝海籌添傷心忽報遊仙速
養子真傳立教嚴天上舊恩餘鳳誥山中新壤協龜占
平生懿德知難朽太史銘文為發潛

和韻謝王國賓司言

近至月河寺見窗間題名知車從獨來奠亡弟旅
襯感泣久之因用壁上舊韻賦詩一章奉謝

幻身依佛寄城東顏色猶疑在眼中一霎電光生死易
百年春夢古今同宿緣有分思重結幽壤無情恨莫通
多謝故人王逸少獨來揮淚向西風

壽葉文莊公夫人

耿清惠公女
上舍晨母也

奉護堂上人爭道七千古來稀有滿面春潮雙鬢雪天

教樂壽清惠家風文莊壺政宦族傳來久喜逢誕日婺
星光映台斗好是一顆明珠三秋高捷擬占青雲首
膝下諸孫森立綵服相輝左右東海桃紅洞庭橘熟同
薦松花酒願期千歲瑶池重會金母

湘渚推蓬圖

鷓鴣聲殘春水足倒影橫斜萬枝綠何人江上曉推蓬
入眼渾疑舞鸞鵠此君自是出塵表怪底人稱可醫俗
雨中亂點啼痕斑月下清敲佩聲玉崢嶸頭角更堪喜


莫遣行庖候相斲臨風欲喚文湖州
聽取新翻竹枝曲
輓大河衛閔恭戶侯

憶向淮東接晤言春風曾過翫韜軒
尊前舞劍軍容肅
花下投壺語笑喧
奇骨似堪分爵土
壯心俄復厭塵煩
生芻一束無由奠
目斷停雲遶墓園

梅花圖

羅浮山前初霽雪一樹寒花照幽絕
青宵夜碾白玉盤
萬里冰壺兩澄澈
凜然正色有天趣
不比春容可人悅

離離瘦影澹將空
款款暗香吹不滅
姑射仙人渺無語
似共嫦娥鬪高潔
畫工孰是楊補之
坐想毫端落瓊屑
披圖擬欲問花神
枝上清光幾圓缺
尚方鼎鼎思作羹
願見黃金子成結



篁墩文集卷八十